



COMUNE DI
GESTURI

I MUSEI



MUSEO DELLA GIARA A GESTURI

In Gésturi, su Museu de sa Giara

Po ndi isciri de prus asuba de is oríginis de is Cuaddeddu, de is repertus de su Nuraxi arcàicu "Bruncu Màdugui", e totu is àterus segretus de sa pranedda.

Su **Museu de sa Giara** s'agatat in su tzentru de sa biddu, aintru de unu fràigu istóricu chi, mancaiat connotu cument'e "Munitzípium béciu", est un'edifitziu nou, aundi si podint iscoberri totu is segretus de sa pranedda, de is oríginis de is Cuaddeddu finas a is repertus chi ant agatau in su Nuraxi arcàicu "Bruncu Màdugui". Su percursu museali est apariciu in tres aposentus de ammostu cun unu muntoni de cosa de biri, e un'aposentu didàticu apretziau meda.

In s'abbisita, is ghias acumpàngiant is bisitadoris a fai unu percursu atrativu e vàriu, chi andat de s'evoluzioni geològica particulari de sa Giara a sa variedadi biològica de sa pranedda, cun una

setzioni archeológica dedicada a su territóriu, chi pertocat in particulari su Nuraxi arcàicu “Bruncu Màdugui”, chi est unu de is prus antigus in totu s’ísula. Duncas, su Museu est sa mellus manera de introdusi is bisitas in pitzus de sa pranedda, unu logu aundi fait a ammanniai sa connoscéntzia de sa Giara.

Una série de imàginis cun is ispiegatzionis, chi acumpàngiant su percursu espositivu, ndi liat s’atentzioni de is bisitadoris prus giòvunus, e difatis s’agatant fintzas in s’apostentiu didàticu, aundi si podit isceberai intra unus cantu laboratòriu pentzaus apostadamenti po imparai, connosci e si diverti.

Su percursu museali si ponit cument’e un’elementu po donai prus importu a s’oferta turística e culturali de su logu, e po rapresentai unu puntu de cumentzu fundamentali po su bisitadori chi bolit otenni unas cantu connoscéntzias de sa pranedda, prima de andai a fai diaderus un’abbisita a su Parcu de sa Giara.

S’abbisita a su Museu de sa Giara serbit a ajudai su bisitadori a iscoberri logus de importu mannu po su chi pertocat su valori de sa natura e de su paesàgiu, de s’archeologia, de s’antropologia, e po ammanniai su sensu de appartenéntzia a su patrimóniu culturali, po mori de s’esàmini de su territóriu e de is elementus chi ndi faint parti, ponendiddu in cuntatu, cun sa castiada e is emotzionis, cun s’eredidadi de su passau.

SA MARMIDDA CHISTIONAT IN SARDU - Progetu finantziau cun su dinai de sa Regione Autònoma de Sardigna cunforma a sa L. 482/99 e a sa L.R. 22/2018.